



სსიპ - საგანმანათლებლო და სამეცნიერო
ინფრასტრუქტურის განვითარების სააგენტო



MES 0 23 0000321473



21/03/2023

სსიპ „საგანმანათლებლო და სამეცნიერო ინფრასტრუქტურის განვითარების სააგენტო“-ს
სახელმწიფო ბიუჯეტის ასიგნების ფარგლებში სახელმწიფო შესყიდვების
განსახორციელებლად შექმნილი სატენდერო კომისიის სხდომის
ოქმი N1

სხდომას უძღვებოდა:

ლევან სუხიტაშვილი - სსიპ „საგანმანათლებლო და სამეცნიერო ინფრასტრუქტურის განვითარების სააგენტოს“
დირექტორი - კომისიის თავმჯდომარე;

სხდომას ესწრებოდნენ:

გიორგი შალუტაშვილი - სსიპ „საგანმანათლებლო და სამეცნიერო ინფრასტრუქტურის განვითარების
სააგენტოს“ დირექტორის პირველი მოადგილე - კომისიის წევრი;

დავით ლომინაძე - სსიპ „საგანმანათლებლო და სამეცნიერო ინფრასტრუქტურის განვითარების სააგენტოს“
დირექტორის მოადგილე - კომისიის წევრი;

ტარიელ გუგავა - სსიპ „საგანმანათლებლო და სამეცნიერო ინფრასტრუქტურის განვითარების სააგენტოს“
დირექტორის მოადგილე - კომისიის წევრი;

დავით მესხიშვილი - სსიპ „საგანმანათლებლო და სამეცნიერო ინფრასტრუქტურის განვითარების სააგენტოს“
შესყიდვების სამსახურის უფროსი - კომისიის წევრი;

სატენდერო კომისიის აპარატის წევრები:

ლევან სუხიტაშვილი - აპარატის ხელმძღვანელი;

თათა კვანტალიანი - აპარატის წევრი;

დღის წესრიგი: სსიპ საგანმანათლებლო და სამეცნიერო ინფრასტრუქტურის განვითარების სააგენტოს მიერ
2023-2024 წლების სახელმწიფო ბიუჯეტის დაფინანსების ფარგლებში კახეთის და ქვემო-ქართლის რეგიონების
საჯარო სკოლებში, სასკოლო მზაობის ჯგუფებისთვის კლასების მოწყობის სამუშაოების სახელმწიფო შესყიდვაზე
ელექტრონული ტენდერის აუქციონის გარეშე ჩასატარებლად შესაბამისი სატენდერო დოკუმენტაციისა და
ტენდერის ჩატარების შესახებ განცხადების პირობების მომზადება.

აღწერილობითი ნაწილი: 2023 წლის 15 მარტის N291861 სამსახურებრივი ბარათის თანახმად დაგეგმილია
2023-2024 წლების სახელმწიფო ბიუჯეტის დაფინანსების ფარგლებში კახეთის და ქვემო-ქართლის რეგიონების
საჯარო სკოლებში, სასკოლო მზაობის ჯგუფებისთვის კლასების მოწყობის სამუშაოების განხორციელება, რაზეც
საჭიროა გამოცხადდეს შესაბამისი ტენდერი.

შესასრულებელი სამუშაოების მოცულობის და სატენდერო პროცედურების ჩატარებისთვის საჭირო ვადების გათვალისწინებით, მიზანშეწონილია ტენდერი ჩატარდეს მრავალწლიანი შესყიდვის პროცედურით. ზემოაღნიშნულთან დაკავშირებით სააგენტოში 2023 წლის 16 მარტის N303772 წერილით წარმოდგენილია საქართველოს ფინანსთა სამინისტროს თანხმობა (N04-02/21409 16/03/2023).

შესყიდვის ობიექტის სავარაუდო ღირებულება შეადგენს 740 914.37 ლარს, რომელიც წლების მიხედვით გადანაწილდა შემდეგი სახით: 2023 წელს გათვალისწინებულია 283 029.3 ლარი (38.2 %), ხოლო 2024 წელს გათვალისწინებულია 457 885.1 ლარი (61.8%). სამუშაოების დასრულების საერთო ვადა განსაზღვრულია ხელშეკრულების გაფორმებიდან 2024 წლის 30 იანვრის ჩათვლით.

სამოტივაციო ნაწილი:

სატენდერო კომისიას მიზანშეწონილად მიაჩნია ჯამური სავარაუდო ღირებულება განისაზღვროს 740 914.37ლარით; აქედან 2023 წელს გათვალისწინებულია 283 029.3 ლარი (38.2 %), ხოლო 2024 წელს გათვალისწინებულია 457 885.1 ლარი (61.8%). სამუშაოების დასრულების ვადა განსაზღვრულია ხელშეკრულების გაფორმებიდან 2024 წლის 30 იანვრის ჩათვლით.

ტენდერში გამარჯვებულმა კომპანიამ კონკრეტულ ობიექტზე სამუშაოების შესასრულებლად შემსყიდველის მიერ განსაზღვრული ვადის დაცვით უნდა ჩაატაროს სარეაბილიტაციო ან სარემონტო სამუშაოები, ტენდერში დაფიქსირებული ერთეულის ფასების მიხედვით.

თითოეულ ობიექტზე შესასრულებელი სამუშაოების შესახებ დავალების გაცემა მოხდება საჯარო სკოლების საჭიროებებიდან გამომდინარე და ამის შესახებ კომპანიას ეცნობება წერილობით.

მიმწოდებელი ვალდებულია დავალების მიღებიდან არაუგვიანეს ხუთი სამუშაო დღის ვადაში წარმოადგინოს კონკრეტულ ობიექტზე შესასრულებელი სამუშაოების გეგმა-გრაფიკი და ხარჯთაღრიცხვა, რომელიც განფასებული უნდა იყოს მიმწოდებლის მიერ ტენდერში წარმოდგენილი ერთეულის ფასების მიხედვით;

მიმწოდებელი ვალდებულია კონკრეტულ ობიექტზე შესასრულებელი სამუშაოების ხარჯთაღრიცხვის შემსყიდველთან შეთანხმებიდან არაუგვიანეს ხუთი სამუშაო დღის ვადაში დაიწყოს სამუშაოები;

შესრულებულ სამუშაოებზე საგარანტიო ვადა შეადგენს საბოლოო მიღება-ჩაბარების აქტის გაფორმებიდან ორ წელს;

შესრულებული სამუშაოების ხარისხის უზრუნველსაყოფად, წინამდებარე ტენდერის საფუძველზე გაფორმებული ხელშეკრულების ფარგლებში გამოყენებული იქნება უპირობო (გარანტიით გათვალისწინებული თანხა შემსყიდველმა უნდა მიიღოს ყოველგვარი დამატებითი განმარტებებისა და მტკიცებულებების წარდგენის გარეშე, პირველი მოთხოვნისთანავე) და გამოუთხოვადი გარანტია, რომელიც სავალდებულოდ გაცემული უნდა იყოს საქართველოს კანონმდებლობის შესაბამისად ლიცენზირებული დაწესებულებიდან, ეროვნულ ვალუტაში - ლარში (ან უცხო ქვეყნის საბანკო დაწესებულებიდან, რომელიც გადაზღვეული იქნება საქართველოს კანონმდებლობის შესაბამისად ლიცენზირებული დაწესებულების მიერ), შემდეგი ფორმის დაცვით: დაბეჭდილი, გარანტიის გამცემი დაწესებულების ტიტულიან ფურცელზე (ბლანკი), ხელმოწერილი, უფლებამოსილი პირის მიერ და ბეჭედასმული.

შესრულებული სამუშაოების ხარისხის გარანტიის ოდენობა განისაზღვრება კონკრეტულ ობიექტზე ფაქტიურად შესრულებული სამუშაოს ღირებულების 2.5%-ის ოდენობით. გარანტიის მოქმედების ვადა მინიმუმ 30 (ოცდაათი) კალენდარული დღით უნდა აღემატებოდეს საგარანტიო ვადის ამოწურვის თარიღს (საბოლოო მიღება-ჩაბარების აქტის გაფორმებიდან 2 (ორი) კალენდარული წელი). გარანტია წარმოდგენილი უნდა იქნას საბოლოო მიღება-ჩაბარების აქტის გაფორმებიდან არაუგვიანეს ხუთი სამუშაო დღის ვადაში.

შესასრულებელი სამუშაოების მოცულობის, სირთულისა და სპეციფიკის გათვალისწინებით სატენდერო კომისიამ მიზანშეწონილად მიაჩნია სატენდერო დოკუმენტაციაში ინფორმაცია პრეტენდენტის გამოცდილების შესახებ მოცემულ შემთხვევაში განისაზღვროს შემდეგნაირად:

2.2.1.1. პრეტენდენტს საქართველოს ტერიტორიაზე ან/და სხვა ქვეყნის ტერიტორიაზე (გარდა იმ ქვეყნის ტერიტორიისა, სადაც რეგისტრირებულია პრეტენდენტი) 2020 წლის 1 იანვრიდან მოცემულ ტენდერში წინადადებების მიღების დასრულების დღემდე უნდა ჰქონდეს შენობის (არ იგულისხმება გზა, ხიდი, გვირაბი) სამშენებლო-სარეაბილიტაციო სამუშაოების შესრულების გამოცდილება არანაკლებ 1 481 828.00 (ერთი მილიონ

ოთხასოთხმოცდაერთი ათას რვაასოცდარვა) ლარის ღირებულებით, მათ შორის ერთი ხელშეკრულების ფარგლებში არანაკლებ 740 914.00 (შვიდასორმოცი ათას ცხრაასოთხმეტი) ლარის ოდენობით, რომელზეც წარმოდგენილი უნდა იქნას დამკვეთის მიერ გაცემული სარეკომენდაციო წერილი. სარეკომენდაციო წერილში მითითებული უნდა იყოს ხელშეკრულების გაფორმების თარიღი, ხელშეკრულების ნომერი, შესყიდვის ობიექტის დასახელება, შესრულებული სამუშაოების ღირებულება (შესრულებული სამუშაოების ღირებულების მითითება სარეკომენდაციო წერილში სავალდებულო არ არის, თუ ეს ინფორმაცია იკითხება მიღება-ჩაბარების აქტში), ინფორმაცია იმის შესახებ რომ ხელშეკრულებით ნაკისრი ვალდებულებები შესრულებულია სრულად და ჯეროვნად. გარდა ამისა პრეტენდენტმა მოთხოვნილი გამოცდილების დასტურად უნდა წარმოადგინოს ხელშეკრულებ(ებ)ი, საბოლოო მიღება-ჩაბარების აქტ(ებ)ი და ანგარიშფაქტურ(ებ)ი (არსებობის შემთხვევაში - ვრცელდება ანგარიშფაქტურაზე) ან ანგარიშსწორების დამადასტურებელი შესაბამისი დოკუმენტაცია (საგადახდო დავალება).

2.2.1.2. იმ შემთხვევაში თუ დამკვეთი (შემსყიდველი) და შემსრულებელი (პრეტენდენტი ან ამხანაგობის წევრი) არის ერთი და იგივე პირი და არ არსებობს სამუშაოების მიწოდებაზე გაფორმებული ხელშეკრულება, შესაძლებელია წარმოდგენილი იქნას აუდიტორული ფირმების ან/და აუდიტორების სახელმწიფო რეესტრში რეგისტრირებული პირის მიერ გაცემული შესაბამისი დასკვნა (დასკვნაში მითითებული უნდა იყოს დასკვნის გამცემი პირის სახელმწიფო რეესტრში რეგისტრაციის ნომერი და აღნიშნული უნდა იმეზნებოდეს <https://www.saras.gov.ge> ვებ-გვერდზე შესაბამის რეესტრში), რომლითაც უნდა დასტურდებოდეს, რომ პრეტენდენტს ზემოაღნიშნული პერიოდის განმავლობაში გააჩნია მოთხოვნილი ღირებულების და შინაარსის სამშენებლო-სარეაბილიტაციო სამუშაოების შესრულების გამოცდილება.

2.2.1.3. იმ შემთხვევაში, თუ პრეტენდენტს შესრულებული აქვს სამუშაოები, როგორც ქვეკონტრაქტორს სახელმწიფო შესყიდვების ფარგლებში, მაშინ ეს სამუშაოები გამოცდილებად ჩაითვლება მხოლოდ იმ შემთხვევაში, თუ ქვეკონტრაქტორის მიერ სამუშაოების შესრულება წინასწარ იყო შეთანხმებული ძირითად შემსყიდველთან (თუ საჭირო იყო შეთანხმება) და სამუშაოები სრულად არის დასრულებული და მიღებული ძირითადი შემსყიდველის მიერ (მხოლოდ ქვეკონტრაქტის ფარგლებში სამუშაოების სრულად მიწოდება არ არის საკმარისი).

2.2.1.4. იმ შემთხვევაში თუ პრეტენდენტის მიერ შესრულებული სამუშაოების შესყიდვა განხორციელებულია სახელმწიფო შესყიდვების ერთიანი ელექტრონული სისტემის გამოყენებით და შესყიდვისა და სამუშაოების შესრულების დამადასტურებელი დოკუმენტ(ებ)ი ატვირთულია სახელმწიფო შესყიდვების ერთიანი ელექტრონულ სისტემაში, გამოცდილების დამადასტურებელი დოკუმენტაციის წარმოდგენა სავალდებულო არ არის. ასეთ შემთხვევაში საკმარისია სატენდერო განცხადების ან CMR ნომრების შესახებ ინფორმაციის წარმოდგენა. შესაბამის სატენდერო განცხადების ან CMR ნომრებს მინიჭებული უნდა ჰქონდეს სტატუსი "შესრულებული ხელშეკრულება" ან "მიმდინარე ხელშეკრულება - საგარანტიო პერიოდი". მოცემული ინფორმაციის წარმოდგენის შემთხვევაში, პრეტენდენტი თავისუფლდება სატენდერო დოკუმენტაციის 2.2.1.1. პუნქტით განსაზღვრული დოკუმენტაციის წარმოდგენისგან.

2.2.1.5. იმ შემთხვევაში, თუ პრეტენდენტს გამოცდილება მიღებული აქვს სახელმწიფო საიდუმლოებასთან დაკავშირებული სამუშაოების შესრულებით („გრიფით საიდუმლო“), საკმარისია შესრულებული სამუშაოების შესახებ დამკვეთის მიერ გაცემული ცნობის (წერილის) წარმოდგენა. ამ დოკუმენტის მეშვეობით უნდა დგინდებოდეს 2.2.1.1 პუნქტით განსაზღვრულ მოთხოვნასთან შესაბამისობა.

ანგარიშსწორების პირობები მიზანშეწონილია ჩამოყალიბდეს შემდეგი სახით:

7.1.1.1. საავანსო ანგარიშსწორება შესაძლებელია განხორციელდეს ხელშეკრულების მოქმედების ნებისმიერ ეტაპზე მიმწოდებლის მოთხოვნის საფუძველზე, ასათვისებელი თანხის არაუმეტეს 20%-ის ოდენობით. თუ მიმწოდებლის მიერ ავანსის სახით გათვალისწინებული თანხა ათვისებული იქნება (ერთჯერადად ან ეტაპობრივად) სრული მოცულობით, მომდევნო საავანსო ანგარიშსწორება ხელშეკრულების ფარგლებში დარჩენილი თანხის არაუმეტეს 20%-ის ოდენობით შესაძლებელია განხორციელდეს იმ შემთხვევაში, თუ ავანსის სახით მიცემული თანხა სრულად არის გაკეთებული.

7.1.1.2 საავანსო ანგარიშსწორების მოთხოვნის შემთხვევაში „მიმწოდებელმა“ უნდა წარმოადგინოს საქართველოს კანონმდებლობის შესაბამისად ლიცენზირებული დაწესებულებიდან (ან უცხო ქვეყნის საბანკო დაწესებულებიდან, რომელიც გადაზღვრული იქნება საქართველოს კანონმდებლობის შესაბამისად ლიცენზირებული დაწესებულების მიერ) გაცემული საბანკო გარანტია, რომლის მოქმედების ვადა 1 (ერთი) თვით უნდა აღემატებოდეს ხელშეკრულების მოქმედების ვადას. გარანტია წარმოდგენილი უნდა იქნას ეროვნულ ვალუტაში - ლარში;

7.1.1.3. ავანსის სახით გადახდილი თანხის გაქვითვა მოხდება ეტაპობრივად, ფაქტიურად შესრულებული სამუშაოების ღირებულების პროპორციულად.

7.2.1. მიმწოდებელი ვალდებულია ანგარიშსწორებისთვის წარმოადგინოს ფაქტიურად შესრულებული სამუშაოების ღირებულება ნაზარდი ჯამით დღგ-ს გათვალისწინებით. თუ შემსყიდველის მიერ ხელშეკრულებით განსაზღვრული შესასრულებელი სამუშაოების ღირებულება ნაკლებია ხელშეკრულების ღირებულებაზე, ასეთ შემთხვევაში არ წარმოიშობა ხელშეკრულების ღირებულების სრულად გადახდის ვალდებულება;

7.2.2. მიმწოდებელი ვალდებულია ანგარიშ-ფაქტურაზე მიუთითოს ხელშეკრულების ნომერი. წინააღმდეგ შემთხვევაში შემსყიდველს უფლება აქვს არ მოახდინოს მისი დადასტურება;

7.2.3. სამუშაოების წარმოების პროცესში, სამუშაოს ახალი პოზიცი(ებ)ის წარმოქმნის შემთხვევაში, შემსყიდველის მხრიდან ცვლილება (ახალი პოზიციის დამატება) განხორციელდება სსიპ-ლევან სამხარაულის სახელობის სასამართლო ექსპერტიზის ეროვნული ბიუროს ან სხვა აკრედიტებული პირის მიერ გაცემული დასკვნის ან მშენებლობის შემფასებელთა კავშირის "სამშენებლო რესურსების ფასებით" განსაზღვრული ფასის ფარგლებში. ექსპერტიზის მომსახურებას უზრუნველყოფს მიმწოდებელი.

7.2.4. შუალედური ანგარიშსწორება ხდება მიმწოდებლის მიერ წარმოდგენილი და შემსყიდველის მიერ დადასტურებული ფორმა N2-ის, ფორმა N3-ის და დამატებითი ღირებულების ანგარიშ-ფაქტურის საფუძველზე;

7.2.5. სამუშაოს ხარისხის დაცვის უზრუნველსაყოფად, ყოველი მიწოდებული სამუშაოს ღირებულებიდან განხორციელდება შესრულებული სამუშაოს ღირებულების 5%-ის დაკავება. დაკავებული 5%-დან 2,5%-ის დაბრუნება განხორციელდება სამუშაოების სრულად დასრულებისა და საბოლოო მიღება-ჩაბარების აქტის გაფორმების შემდეგ, ხოლო დარჩენილი 2,5%-ის დაბრუნება განხორციელდება შესრულებული სამუშაოების ხარისხის გარანტიის წარმოდგენის შემდეგ;

7.2.6. შესრულებულ სამუშაოზე საბოლოო ანგარიშსწორება განხორციელდება სსიპ ლევან სამხარაულის სახელობის სასამართლო ექსპერტიზის ეროვნული ბიუროს ან სხვა აკრედიტებული პირის მიერ გაცემული ფაქტიურად შესრულებული სამუშაოების მოცულობის, ხარისხისა და ღირებულების დამადასტურებელი დოკუმენტის საფუძველზე გაფორმებული მიღება-ჩაბარების აქტის და შესრულებული სამუშაოების ხარისხის გარანტიის წარმოდგენის შემდეგ;

7.2.7. ფაქტიურად შესრულებული სამუშაოების მოცულობისა და ხარისხის დამადასტურებელი საექსპერტო დასკვნის წარმოდგენას და საექსპერტო მომსახურების ღირებულების ანაზღაურებას უზრუნველყოფს მიმწოდებელი.

7.2.8. თუ საბოლოო ანგარიშსწორების განხორციელების მომენტისთვის, მიმწოდებელს არ წარმოდგენს დოკუმენტურ დასტურს, რომ ამ ხელშეკრულების 5.6 და 5.7 პუნქტებით გათვალისწინებულ გარემოებებს ადგილი არ ჰქონია ან, ყველა ხარჯი ანაზღაურებულია, შემსყიდველი უფლებამოსილია გამოქვითოს შესაბამისი ხარჯები ასანაზღაურებელი თანხიდან (იხილეთ ხელშეკრულების პროექტი).

7.2.9. დროებითი შენობა-ნაგებობების შესრულების ანგარიშსწორება მოხდება წარმოდგენილი ფორმა N2-ის მიხედვით, სააგენტოსთან შეთანხმების საფუძველზე.

სატენდერო კომისიის მიერ მოწონებული იქნა სისტემაში ელექტრონულად შევსებული სატენდერო დოკუმენტაციისა და სატენდერო განცხადების პროექტი, რომელიც დამტკიცების შემდეგ უნდა დარეგისტრირდეს სისტემაში.

დაადგინეს:

1. დამტკიცდეს სატენდერო დოკუმენტაცია და განცხადების ტექსტი დანართი N1-ის შესაბამისად.

2. დაევალოს სატენდერო კომისიის აპარატს უზრუნველყოს ტენდერის გამოცხადება სახელმწიფო შესყიდვების ერთიანი ელექტრონული სისტემის მეშვეობით.
3. შესყიდვის ობიექტის ერთგვაროვნება განისაზღვროს შემდეგი კლასიფიკატორის შესაბამისად: 45400000 - შენობის დასრულების სამუშაოები.


სსიპ-საგანმანათლებლო და სამეცნიერო
ინფრასტრუქტურის განვითარების სააგენტო
შესყიდვების სამსახური
მთავარი სპეციალისტი
კვანტალიანი თათა



სსიპ-საგანმანათლებლო და სამეცნიერო
ინფრასტრუქტურის განვითარების სააგენტო
შესყიდვების სამსახური
სამსახურის უფროსი
მესხიშვილი დავით

დ. მესხიშვილი

სსიპ-საგანმანათლებლო და სამეცნიერო
ინფრასტრუქტურის განვითარების სააგენტო
დირექტორის მოადგილე
გუგავა ტარიელ



სსიპ-საგანმანათლებლო და სამეცნიერო
ინფრასტრუქტურის განვითარების სააგენტო
დირექტორის მოადგილე (სამშენებლო
ინფრასტრუქტურის განვითარების დარგში)
ლომინაძე დავით

დ. ლომინაძე

სსიპ-საგანმანათლებლო და სამეცნიერო
ინფრასტრუქტურის განვითარების სააგენტოს
დირექტორის პირველი მოადგილე
შალუტაშვილი გიორგი

A handwritten signature in blue ink, appearing to read 'Gi. Shalutashvili', with a long horizontal stroke extending to the left.

სსიპ-საგანმანათლებლო და სამეცნიერო
ინფრასტრუქტურის განვითარების სააგენტო
დირექტორი
სუხიტაშვილი ლევან

A handwritten signature in blue ink, appearing to read 'L. Sukhitashvili', with a long horizontal stroke extending to the right.